



Universitätsbibliothek Paderborn

**Dn. Conradi Clingii Theologi Et Ecclesiastae Celeberrimi
(dum vixit) apud Erphordiam Turingiæ, Catechismvs
Catholicus, summam Christianæ institutionis IIII. libris
succinctim complectens**

Klinge, Konrad

Coloniae, 1570

VD16 K 1309

1. Quis sit Christus in sua persona.

urn:nbn:de:hbz:466:1-29452

& ita fit, quod tandem haec omnia recompensantur
præmijis varijs in hac & post hanc vitam, &c.

CAPVT XXIII.

ARGUMENTA.

1. *Quis sit Christus in sua persona.*
2. *Quare donatus sit nobis peccatoribus.*
3. *Quapropter ipsum accipimus à Deo patre.*



Hristus est verus Dei & Mariæ virginis filius: filius Dei ab æterno à patre genitus, Mariæ filius in tempore gratiæ natus: Primum, Christum esse filium Dei, vbiq; testatur scriptura, & maximè Ioannes Euangeliſta vrget totum suum Euangeliū pro illo articulo, ita quod Euangeliū suum incipit & concludit cum fide, quod Christus sit filius Dei: In principio, inquit, erat verbū, id est, principio omnium creaturarum, ergo æternus, non habens principium cum creaturis, Ioā. 1. & 2. cap. Hęc scripta sunt, vt credatis quoniam Iesus est Christus filius Dei, vt hoc credentes, vitam habeatis in nomine eius. Et 1. Ioan. 4. Omnis qui confessus fuerit quoniam Iesus est filius Dei, Deus in eo manet, & ipse in Deo. Et idē 5. cap. Hęc est fides quæ vincit mundum, id est, peccatum, mortem, diabolum, tyrannidem mundi, qui credit quoniam Iesus est filius Dei. Maximè hoc credendum est contra Arrianos hereticos. Deindè quod Mariæ sit filius secundūm humanitatem, simul scriptura tota & omnes Euangeliſtae testantur. Matt. 1. De qua natus est Iesus, qui vocatur Christus. Et Ioan. 1. Verbum caro factum. Gal. 4. Natum de muliere. Sic in symbolo dicimus, Natus ex Maria virginie &c. Est igitur Christus in sua persona, Dei & virginis filius. Ideò datus est hominibus in mundo, vt quæreret & saluum faceret quod perierat, Luc. 19. Et quia totus mundus & natura nostra oppressa fuit damnatione

F 5 tione

tione & peccato, sicut dicit Propheta Psalm. quinto,
Omnis declinauerunt, & inutiles facti sunt, & Paulus Rom. 3. Omnes peccauerunt, & egent gloria Dei:
Ideo datus est omnibus hominibus, ut illorum sit redemptor a peccato & saluator. Nam pater posuit in
eo iniquitatem omnium nostrum, Esaiæ 53. Factus est
hostia & propitiatio pro peccatis totius mundi, 1. Io.
2. Mortuus est propter peccata nostra, Rom. 4. Ideo
ipse est agnus ille paschalis oblatus pro peccatis no-
stris ac totius mundi, 1. Corinth. 5. Qui solus potuit
nos reconciliare patri.

2. Nisi Christus semetipsum obtulisset hostiam pro
peccato, Galat. 1. nullum esset in mundo remedium
contraria peccata, nulla remissio, nulla salus, nullus fa-
uor & misericordia Dei erga nos, nullum subsidium
Dei contraria demonem & satanam, ille enim plenam
in nos haberet potestatem: ideo quod sumus filii &
in gratia Dei, quod remittit peccatum, protegit, nu-
trit, saluat, totum ex merito istius hostiæ est, scilicet
Christi. Ipse morte sua omnia reconciliauit patri, &
aperuit regna celorum, & agnus solus est qui tollit
peccata mundi. Ioan. 1.

3. Propter ipsum Christum pater cœlestis tria nobis
promisit, si in illum crediderimus, & ut illa sint nobis
certissima, mortem & ipsum Christum in pignus
istarum promissionum dedit.

Promissio prima. Primo promisit misericordiam suam, ut propter
nomen Christi filij sui remitterentur nobis peccata,
si poenituerimus & cessauerimus, gratis sine nostro
merito, sed propter illius meritum, quod mortuus
est pro peccatis nostris, & resurrexit propter iusti-
tiam nostram, Roman. quarto, quam Deus pater vult
nobis imputare in accusatione legis, peccati, & mor-
tis. Hanc promissionem vbique denunciant Apostoli,
Roman. 3. gratis iustificati in sanguine eius. Petrus
Actor. 10. Huic omnia Prophetæ testimonium per-
hibent.